

KOMIENSO DIE



EVANGELIO


“Awor después ku Juan a wòrdu poné den prison,
Hesus a bini na Galilea, predikando e evangelio
di e reino di Dios, i bisando, ‘E tempu ta kumplí,
i e reino di Dios ta serka. Repentí i kere den e
evangelio ” (Marko 1:14, 15, NKJV)



E evangelio di Marko ta esun di mas kòrtiku di e kuater evangelionan ku ta bolbe konta(konta di nobo) e bida di Hesus.

E ta un historia seguro(firme), ágil(fleksibel), dinámiko, i komprimí. E esenanan ta flesh dilanti di nos wowonan. Bo no por falta ningun detayenan, komo ku ta solamente esnan berdaderamente importante ta wòrdu inkluí.

Den kòrto, Marko ta e evangelio pa e siglo 21, kaminda tur kos ta sosodé rápidamente i mes ora, ora ku tempu ta plaka(sèn). Laga nos huza e tempu ei pa siña e kos di mas presioso: “ E evangelio di Hesus Kristu, Yiu di Dios ” (Mark 1:1).



▶ E outor di e evangelio:

● Mishonero ku a faya.

● Útil pa e ministerio.

▶ E komienso di e evangelio :

● E preparashon. Marko 1:1-8.

● E boutismo. Marko 1:9-13.

● E mensahe. Marko 1:14-15.



E OUTOR DI E EVANGELIO

MISHONERO KU A FAYA

" Ora ku Barnabas i Saulo a kaba di kumpli ku nan mishon, nan a bolbe for di Jerusalèm, hibando huntu ku nan Juan, tambe yamá Marko " (Echonon 12:25)


Manera e sobrá di e evangelistanan, Marko no ta hasi menshon di su mes pa nòmber. E tabata un mucha hòmber ora ku e eventonan ku é ta relatá a sosodé, kual probablemente el a siña di nan dor di su relashon íntimo ku e apòstel Pedro (1 Pedro 5:13).

Juan Marko su mama tabata e doño di e lugá na Jerusalèm na unda e iglesia a reuní pa hasi orashon na e okashon di Pedro su enkarselashon (Echonon 12:12).

Djis despues di esei, Barnabas i Saulo(kende a bai na Jerusalèm pa trese un ofrenda) a hiba Juan Marko na Antiokia (Echonon 12:25)

Na Antiokia, ora ku e Spiritu Santu a yama Barnabas i Saulo pa ta mishoneronan entre e Gentilnan, nan a hiba Juan Marko ku nan komo un kolaboradó (Echonon 13:2-5).

Pero bida mishonero a proba di ta masha duru pa e hóben Marko, kende a disidí pa regresá na Jerusalèm (Echonon 13:13).



ÚTIL PA E MINISTERIO





“ Solamente Lukas ta serka mi. Buska Marko i tres'é huntu ku bo, pasombra é ta útil pa mi den mi ministerio ” (2 Timoteo 4:11)

Ora ku Pablo a proponé e di dos biahe mishonero, el a nenga pa aseptá Marko komo un kolaboradó (Echonan 15:36-38). Pablo tabatin mester di yudadónan fuerte, kende lo ta un sosten, no un karga. Marko no pas den e profil aki.

Sinembargo, Barnabas tabata sigur ku su subrino Marko, tabatin suficiente potensial pa ta un bon mishonero. Pesei el a hiba Marko kuné na Cyprus, mientras ku Pablo i Silas a dirigí pa Asia (Echonan 15:39-41)

Nos no sa kiko a sosodé despues, ku Barnabas tabatin rason. Dor di e tres referensianan ku el ta hasi na djé den su kartanan, Pablo a bin ta konsiderá Marko “ útil pa e ministerio, ” un kolaborador efectivo (Kol. 4:10; Filemon 24; 2 Tim. 4:11).

Danki na e di dos oportunitat aki, awe nos por gosa di e historia eksitante di Marko su evangelio.





E KOMIENSO DI E EVANGELIO

E PREPARASHON



“ Y esaki tabata su mensahe: “ Despues di mi ta bini esun mas poderoso ku mi, e strèpnan di kende su sandalianan ami no ta digno pa bùk i lòs nan ” (Marko 1:7)




Marko ta kuminsa dor di introdusí nos na Dios preparando e biahe di Su Yiu (Marko 1:1-2; Mal. 3:1). Un biahe ku ta kuminsá den e kortenan selestial, i ku lo hiba Hesus Kristu na e krus, pa wòrdu risibí atrobe den Shelu (Marko 16:19).

Pa prepara e kaminda aki, Dios ta skohe Juan Boutista, e “ bos ku ta sklama den desierto ” (Marko 1:3; Isa. 40:3).



Promé ku Hesus a kuminsá Su biahe pa duna Su bida pa nos, Juan a prepará hende su kurason dor di dirigí nan na repentimentu i invitá nan pa wòrdu batisá (Marko 1:4-6).

El a prepará pa risibí e Yiu di Dios: mas poderoso ku Juan mes; mas digno; i ku E lo batisá ku un boutismo mas efektivu (Marko 1:7-8).



E BOUTISMO


"Na e tempu ei Hesus a bini for di Nazarèt di Galilea i a wòrdu batisá dor di Juan den e Jordan" (Marko 1:9)



Hesus ta kuminsá Su biahe na un manera spektakular: Dios e Tata ta present'É komo Su Yiu, I e Spiritu Santu ta manifestá Su pesensia na un forma di kurpa (Marko 1:10-11). Asta for di e prinsipio, Hesus ta wòrdu presentá komo un persona divino, e Yiu di Dios. Pero tambe E ta wòrdu presentá komo un persona humano:



E ta wòrdu batisá dor di Juan, i no alrededor(di otro banda) (Marko 1:9)



E ta wòrdu dirigí dor di e Spiritu (Marko 1:12)



E tin mester di ta Su so ku Dios (Marko 1:13a)



E ta wòrdu tentá dor di e diabel (Marko 1:13b)



Ta enfrentá peligernan físiko (Marko 1:13c)



Angelnan ta sirbiE (Marko 1:13d)

Esaki ta kon Hesus ta wòrdu presentá na nos: completamente divino i completamente humano. E ta ambos Salvador komo Ruman Hòmber, Señor i Ehèmpel. E ta e revelashon kompleto di Dios Su amor pa

«E gloria ku a sosegá(deskansá) riba Kristu ta un kompromiso di e amor di Dios pa nos. E ta konta nos di e poder di orashon — kon e bos humano lo por yega na e orea di Dios i nos petishonnan ta haña aseptashon den e kortenan di shelu.... E lus ku a kai for di e portanan habrí riba e kabes di nos Salvador lo kai riba nos segun ku nos ta hasi orashon pa yudansa pa resistí tentashon. E bos ku a papia na Hesus ta bisa na tur alma ku ta kere, “ Esaki ta mi yiu stimá, den kende Mi tin goso(ta satisfecho). ”»

E MENSAHE

“ Despues ku Juan a wòrdu poné den prizon, Hesus a bai na Galilea, proklamando e bon nobo di Dios ” (Marko 1:14)

Hesus Su mensahe inisial a kubri tres aspekto (Marko 1:15)

“ E tempu ta kumplí ”

Un referensia na e profesia di e 70 simannan (Dan . 9:24).

For di e dekreto di Artaxerxes, aña 457 PK, te ku e unguentu di e Mesias, 69 siman lo pasa (v. 25).

Esaki a wòrdu kumplí na e boutismo di Hesus, AD 27. Mitar siman mas despues, AD 31, Hesus a muri (v. 27).

“E reino di Dios a bini serka”

Un promesa ku e pakto di salbashon tabata kuminsá di wòrdu kumplí.

“ repentí i kere den e evangelio ”

Un yamada pa tuma un parti aktivo den e pakto, dor di aseptá pordon pa medio di fe den Hesus.



Nos mensahe aktual tambe ta inkluí e tres aspektonan aki: E tempu a wòrdu kumplí; Hesus ta biniendo; i nos mester repentí i kere asina ku nos lo por bai kunÉ.

“E karga di Kristu Su predikashi tabata, “E tempu ta kumplí, i e reino di Dios ta na man; repentí boso, i kere e evangelio.” Asina e mensahe di e evangelio, manera a wòrdu duná dor di e Salbador mes, tabata basá riba e profesianan. E “tempu ” kual El a deklará di wòrdu kumplí tabata e periodo hasí konosí dor di e angel Gabriel na Daniel...

Manera e mensahe di Kristu Su promé atvènt(binida) a anunsiá e reino di Su grasia, asina e mensahe di Su Segunda binida ta anunsiá e reino di Su gloria. Y e di dos mensahe, manera esun promé, ta basá riba e profesianan.”